



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt VIII. Quid significet Euangelij locus, vbi scriptum est: Non quod intrat in os, coinquinat hominem.

[urn:nbn:de:hbz:466:1-46059](#)

## C A P V T V I I I .

*Quid significet Euangelij locus, vbi scriptum est: Non quod intrat in os, coinquiat hominem,*

**Q**uo d'autem aitunt quidam, Matthæi locum vbi Matth. 15:1 scriptum legitur, Non quod intrat in os coinquiat hominem; non in eum sensum accipi debere, quasi cibus per seipsum non maculet; sed Dominum illis verbis ostendere voluisse quoddam initium futurae per ipsum libertatis: quæ esset in eo sita, ne inviolabilem quandam, circa ciborum abstinentiam, necessitatem Ecclesiæ Pastores inducerent: hoc ergo quod ad eum scribitur modum, duplici mihi errore niti videtur. Primum enim, loci Euangelici non rectam habet intelligentiam. Deinde, præsupponit Christianæ libertati aduersari necessitatem quæ ex Lege sit, inviolabilem circa cibos, aliasque res eiusmodi. Quod a verò longè esse alienum, cum possit ex ijs quæ dicta sunt haud difficulter intelligi: tum ex eo perspicitur peculiariter, quod primis hominibus ante lapsum, planè magna & iucunda fuerit libertas, plenior etiam ea, quam modò sumus per Christum assecuti. Et tamen non defuit tum inviolabilis ex Lege necessitas abstinenti à certo cibi genere. Quem propterea cibū cum violata Lege sumpserūt, grauissimo scelere, & seipso, & in seipsis genus etiam perdiderunt vniuersum. Nec enim Adainum cibus, inquit Augustinus Epistola 86, sed prohibitus cibus perdidit: & Esau nepotem sancti Abrahæ non esca, sed usque ad contemptum sacramenti quod in primatu suo habuit, concupita esca damnauit. Nec verò est quod quisquam dicat, illam inviolabilem necessitatem, ex diuina fuisse ortam Legem. Quid enim refert unde orta sit, modo sit tamen inviolabilis necessitas: & id quidem in eo genere rerum, vbi nulla talis esse iuxta hos debere videatur?

o

Nam

Nam si nihil obest libertati talis necessitas ex Dei mādato nata: neque oberit igitur, si orta sit ex mandato Episcopi, qui præcipit vice & auctoritate Dei, sicut non obest ea necessitas, quæ ex legibus oritur iustis Principum secularium: quibus non solū propter iram, verū etiam propter conscientiam, beatus Apostolus obediendum esse declarat. In ipsa verò verboru intelligētia hoc errari manifestum est, quod Christus Dominus, cùm ait, Non quod intrat in os, coquinat hominem; ostendere putetur eam in cibis capiendi libertatem, quæ iam tum esset ipsis discipulis à Moysica Lege, ex qua erat Iudæis inviolabilis necessitas abstinenti à cibis quibusdam ut immundis, & ideo (ut volunt) seruitus: à qua suos discipulos esse libero voluerit Seruator demonstrare. At qui non hoc Scribe & Pharisæi quæsierant: Quare discipuli tui transgre- diuntur mandata Légis Moysi? non enim abstinent ab ijs cibis quo, Lex decreuit immundos: sed, Quare, in- quiunt, discipuli tui transgrediuntur traditiones se- niorum? Non enim lauant manus suas cùm panem manducant. Ex hac igitur interrogacione Pharisæorū, cùm ad eam à Christo responderetur, illa est orta sen- tentia, quæ pro tuenda in cibis sumēdis libertate pro- fertur: Non quod intrat in os, coquinat hominē, sed quod procedit ex ore, tanquam dixisset Christus. Hoc ego vos scrupulo, & hac seruitute libero, nullius omni- nino cibi sumptio propter aliquam legis inviolabilem necessitatem inquinare vos potest. Verū hoc ut di- ceret, nihil ad rem de qua fuerat interrogatus, per- nebat: cùm non ageretur de ciborum delectu, sed de manducando manibus illotis: neque ex Lege Dei, sed ex traditionibus seniorū ei questio moveretur. Ideoq; è vestigio Christus illis ipsis traditionibus patrū suo- rum, quarum auctoritate discipulos Christi premi vo- lebant, opponit Dei Legem: quam violare non dubi- tarent,

tarent, suarum studio superstitionum. Quare & vos, inquit, transgredivini mandatum Dei, propter traditionem vestram? Ac paulo post, traditionem eam, de qua fuerat nata questio, reiicit ad doctrinas & mandata hominum: quod de Mosaica Lege, quae Dei Lex erat, fieri non potuit. Cumque eius responso fuissent scandalizati Pharisæi, & hoc ei discipuli renunciassent; ille respondens, ait: Omnis plantatio quam non plantauit Pater meus cælestis, eradicabitur. Sinite illos; cœcisi sunt, & duces cæcotum. Nūquid h̄ic diutorus quisquam est, Mosaicæ Legis instituta de ciborum discrimine, plantationem fuisse, quam non plantauerat Pater cælestis? aut eos qui hoc secundum legem doceret esse obseruandum, cæcos fuisse, cæcorum duces? Perspicuum igitur est, nō illud dixisse Christum propter aliquam significandam ab iniabolili lege libertatem, que esse deberet in cibis sumendis; sed ad condemnandam Pharisaicam superstitionem, cui deditū esse, miserabilis erat animæ seruitus. Docebant enim Pharisæi, hominem inquinari eum qui non ante lotis manibus manducasset. Quod ipsum Marcus explicans, Pharisæi, inquit, nisi crebro lauerint manus, nō manducant, & à foro nisi baptizentur, non comedunt: quod sese nimirum inquinari contactu peccatorum arbitrarentur. Nam & propterea Simon leprosus apud Lucam negabat Christum esse Prophetā posse, quod se contingi à muliere peccatrice pateretur, vnde eum necesse esset inquinari. Idecirco cum & ipse Christus inuitatus aliquando, non lotus accubuisset, eamque ob causam esset reprehensus: responso suo palam fecit, Pharisæis hoc esse persuasum, crebra istiusmodi lotione ipsos acceptiores Deo, sanctioresque reddire quæ persuasio quia summæ erat plena stultitiae, cumque habebat purgādi sui præposteram, ideo Christus, Stulti, inquit, nonne qui fecit quod de foris est;

580 DE CHRISTIANA LIBERTATE  
etiam quod deintus est facit? Denique in Cana Galilæa sex legimus hydrias propositas fuisse aquæ plenas, iuxta purificationem Iudeorum, qua soli erant in uno conuicio manus frequenter ablucere; non honestatis studio, sed profecto superflitione ducti. quam fuisse in illorum hominum genere maximâ, qui pleniū cognoscere volet, legat Iosephum libro Antiquatum decimo octavo, & libro secundo de bello Iudaico. item Epiphaniū in hæresi Samaritarum, Hemerobaptistarum, Nazariorum, & Ebionitarū. Hanc igitur cæcæ superflitionis stultitiam conuellens Christus; respondet, verendum non esse ne quisquam manuum sordibus inquinetur, si fornicationibus illotis cibum sumperit. Nam, si quæ, inquit, sordes manibus adhæscunt, ac fornicationibus cibo tumuntur, illæ trajcluntur in veritatem, & in secessum emituntur. Doctrina igitur hæc Christi, veram quidem nobis ostendit libertatem, sed quæ non esset in eo sita, ut nulla (quemadmodum isti volunt) obstringeret inuiolabilis ex Lege necessitas, alioqui nec iusti quos habuit vetus Testamentum, liberi fuere, falsum que erit, Vbi Spiritus Domini, ibi libertas. Verum in eo sitam ostendit Christianam libertatem, quod mens liberetur à superflitionis seruitute, cuius adhuc iugo, Iudeorum collapsumebantur. Lex autem ieunij bona & utilis, ab ea quæ potestate Ecclesiæ profecta, quam ipse Christus instituit, neque stultitia, neq. superflitio est, nec quicquam habet simile eius quod est illis Evangelij verbis reprehensum. Nam cum luculentissimis Scripturæ testimonis ieunia comprehenduntur, ut accepta Deo, gratia disciplina; quid stultitiae aut superflitionis habere possit, quod certa ieunandi tempora prafigantur? Et enim rationi & sanæ doctrina per quam consentaneum, ut id quod habet observationem salutarem, statis discernatur faciendum esse temporibus; non solùm ut fiat

sat ab omnibus quibus utile est, plerisque alioqui, ut  
se habet infirmitas, neglecturis; vei unum etiam ut con-  
formis, concordius & studiosius obseruetur in Re-  
publica Christiana: cuius magnum est ornamentum,  
ordinis pacisque pulchritudo. Hinc & post Moylen  
institutæ leges sunt de ieiuniis quibusdam, ac Festis  
diebus. velut ea quæ Reginæ Hester occasione sancta  
est; & ea quam de Templi annua dedicatione celebrā-  
da, Machabeus introduxit; & quæ de Psalmis Davidis  
decantandis, iuxta vniuersitatem diei ritum, aliis  
que rebus compluribus. De quibus admonuete nos  
diligenter Irenæus libro quarto, capite vigesimo quin-  
to, vigesimo sexto, vigesimo septimo, & Epiphanius  
hæresi Ptolomeitarum, & Augustinus libro secundo  
contra aduersarium Legis & Prophetarum, capite pri-  
mo. Nec unquam eiusmodi legibus caruit Ecclesia  
Christi, cum constet observationem ieiunij quadra-  
gesimalis, quæ inter ceteras ieiunij leges facile præ-  
cipua est, celeberrimam semper fuisse, prius que Ec-  
clesia temporibus in veneratione habitam. Porro Chry-  
ostomus ipse, licet oscitanti lectori videri posset di-  
cere Christum hinc eiecisse uniuersam ciborum obser-  
vationem Legalem: tamen penitus introspectus, non  
aliud repertetur dicere, quam damna se Christum su-  
perstitiosam in cibis quibusdam respuehdis obserua-  
tionem Iudeorum: quibus ea insideret opinio, qua ci-  
bos quosdam natura sua immundos esse censerent.  
Uniuersus, inquit, Iudaismus, ciborum obseruatione  
continetur: quo refutato, facile refutatur totus. Quid  
autem est refutare Iudaismum? an umbras succedere  
veritatem? minimè id quidem; sed tum refutatur Iu-  
daismus, cum Iudaizantium aperiuntur ac revincun-  
tur errores. Lex autem Dei per Moylen data, certam  
ciborum obseruationem præscribens, errore profecto  
erat, neque ergo debuit refutari. Chrysostomi vero

§ 82 DE CHRISTIANA LIBERTATE  
sententiam videre licebit, luculenter admodum ex-  
pressam, apud Euthymium in caput Matthaei decimum  
quintum. Quamuis & ipse Chrysostomus scribens in  
caput decimum quartum Epistolæ ad Romanos, & in  
primum epistolæ ad Titum, aperte tradat, docuisse lu-  
dæos, quosdam cibos naturaliter immundos, eoq. no-  
mine prohibitos, quod hominem coram Deo redde-  
rent inquinatum: cum, sicuti verissimè dicit Augusti-

Liber. 10. cap. 31.

nus in suis Confessionibus, non immunditia oblongi,  
sed solius immunditia cupiditatis, timenda sit. Ideoq.  
in Psalmum decimum scribens, dicit, productis ei  
Euangelio Domini verbis, iustum à ciborum disce-  
nendorum superstitione muniri.

### CAPUT IX.

Sine Christiane libertati contrarium, si ad ceremoniarum  
obseruationem conscientia adstringantur.

**A**D DIT Calvinus, hic comprehendi omnesli-  
terate ad eas obseruandas conscientiae adstringantur:  
sed earum usum, Dei beneficio, sibi ad ædificationem  
subiectum esse meminerint.] Vbi quæro, quas libera  
obseruationis ceremonias dicat. Si enim intelliguntur  
ex liberam obseruationem habere, quæ nullo neque  
dinino, neque Ecclesiastico præcepto, neque vlla om-  
nino iusta lege, aut consuetudine requirantur: in aperio  
est, ad eiusmodi ceremoniarum obseruationem nulla  
necessitate conscientias fidelium obligari. At si libera  
obseruationes intelliguntur esse, quas nullum requiri  
expressum Dei præceptum; in ceteris ergo ceremoniis  
Ecclesiæ auctoritas consuetudoque populi Christiani  
contemnenda ostenditur, prætextu Christianæ libe-  
tatis. Si enim in illis obseruandis, præcipienti Ecclesia  
parendum est, fieri non potest ut conscientia minime  
adstricta